

Pravilnik o radu notara

*Pravilnik je objavljen u "Službenom listu CG",
br. [30/2009](#) i [36/2013](#).*

I OPŠTE ODREDBE

Član 1

Ovim pravilnikom bliže se uređuju pitanja određena Zakonom o notarima (u daljem tekstu: Zakon), kao i pitanja od značaja za organizaciju i način unutrašnjeg poslovanja kancelarije notara i rad notara.

Član 2

Primjenom ovog pravilnika obezbjeđuje se uredno i blagovremeno vršenje notarskih poslova, administrativno-tehničkih i drugih poslova značajnih za notarsku službu.

Član 3

Na pitanja koja nijesu uređena ovim pravilnikom, shodno se primjenjuju odredbe Sudskog poslovnika.

II VRŠENJE NOTARSKE SLUŽBE

Član 4

Notar je obavezan da notarsku službu vrši u skladu sa Zakonom i na način predviđen ovim pravilnikom. Vršenje notarske službe mora biti uredno i ažurno.

U vršenju notarskih poslova notar, po pravilu, svaku radnju preduzima prema redosljedu prispijeća akta, tako da na jednak način štiti interes svake stranke.

Član 5

Notar organizuje notarsku službu zavisno od vrste i obima poslova i potrebe ažurnog i efikasnog vršenja.

1. Kancelarija notara

Član 6

Na zgradi u kojoj se nalazi kancelarija notara i na ulazu kancelarije mora biti istaknuta tabla sa nazivom kancelarije notara.

Tabla iz stava 1 ovog člana je pravougaonog oblika, dimenzija 45x25 cm i sadrži Grb Crne Gore, naziv: "Crna Gora", oznaku zvanja "Notar", prezime i ime notara i njegovo službeno sjedište, napisano na crnogorskom jeziku, velikim slovima u zlatnoj boji na tamnoj podlozi.

Notar može postaviti i dodatnu tablu sa natpisom "Notar" i putokazom, u blizini svoje kancelarije, koja po obliku i izgledu odgovara tabli iz stava 2 ovog člana.

Član 7

Kancelarija notara može biti smještena u poslovnom ili stambenom objektu koji ispunjava uslove propisane ovim pravilnikom i mora imati poseban ulaz.

Ukoliko objekat iz stava 1 ovog člana nema lift, kancelarija notara može biti smještena najviše do trećeg sprata.

Kancelarija notara mora biti ukupne površine najmanje 50 m² i mora da sadrži: radnu prostoriju, prostoriju za prijem stranaka, arhivu i sanitarni čvor.

Član 8

Kancelarija notara mora imati sljedeću opremu:

- mehanički uređaj za pisanje (pisaća mašina);
- kompjuter sa opremom za internet konekciju i štampač;
- sigurnosnu blagajnu (sef);
- telefon i faks;
- aparat za fotokopiranje;
- vatrootporne ormare i
- protivpožarni uređaj.

2. Pečat, štambilj i potpis

Član 9

Pečat notara je okruglog oblika, prečnika 38 mm i otiskuje se u crnoj, tamnoplavoj ili ljubičastoj tinti.

Pečatom notara može rukovati samo notar i ovlašćeno lice u kancelariji notara.

Pečat notara se mora držati zaključan.

Član 10

Štambilj notara je pravougaonog oblika, dimenzija 60x40 mm i sadrži naziv: "Crna Gora", oznaku "NOTAR", prezime i ime notara i sjedište (Obrazac br. 1).

Notar je ovlašćen i dužan da u svom radu koristi štambilj propisan Zakonom i ovim pravilnikom.

Lica zaposlena u kancelariji notara mogu koristiti štambilj notara samo po njegovom ovlašćenju kao i u vezi sa radnjama za koje su ovlašćena da ih samostalno preduzimaju.

Van radnog vremena notara štambilj se mora držati zaključan.

Troškove za izradu pečata i štambilja snosi notar.

Član 10a

U postupku ovjere izvornika i otpravka izvornika notar koristi i metalni žig čiji otisak stavlja na posljednjoj stranici.

Sadržina žiga iz stava 1 ovog člana identična je sadržini pečata notara i otiskuje se u pečatnom vosku ili na papirnoj naljepnici - vinjeti ispod koje su provučeni završni krajevi jemstvenika na poledini posljednje stranice izvornika odnosno otpravka izvornika.

Član 11

Notar je dužan da, odmah nakon polaganja zakletve, ovjeri otisak svog pečata i štambilja kao i potpis kod predsjednika osnovnog suda na čijem području notar ima sjedište.

Zapisnik o ovjeri iz stava 1 ovog člana, potpisuje predsjednik suda, zapisničar i notar.

Ovjereni primjerak zapisnika predaje se notaru.

Član 12

Notar je dužan da, najkasnije u roku od 60 dana od dana polaganja zakletve, obezbijedi uslove za početak rada, u skladu sa ovim pravilnikom.

Član 13

Ministar nadležan za poslove pravosuđa (u daljem tekstu: ministar), formira komisiju od tri člana, koja utvrđuje ispunjenost uslova iz čl. 6, 7 i 8 ovog pravilnika.

O izvršenom pregledu i utvrđenom stanju komisija sačinjava zapisnik i daje ministru mišljenje o ispunjenosti uslova iz stava 1 ovog člana.

Ukoliko su ispunjeni svi propisani uslovi ministar dostavlja zapisnik Notarskoj komori (u daljem tekstu: Komora).

3. Radno vrijeme notara

Član 14

Radno vrijeme notara je 40 časova nedjeljno od ponedjeljka do petka i počinje i završava se kao i radno vrijeme suda.

U okviru radnog vremena iz stava 1 ovog člana, notar samostalno određuje radno vrijeme za prijem stranaka i to najmanje dva časa prije podne i dva časa poslije podne.

Notar jasno naznačava na ulazu u kancelariju radno vrijeme i vrijeme za prijem stranaka.

Član 15

O radnom vremenu i o vremenu za prijem stranaka notar obavještava, ministarstvo nadležno za poslove pravosuđa (u daljem tekstu: Ministarstvo), predsjednika Komore, predsjednika osnovnog suda i skupštinu opštine na čijem području notar ima sjedište.

U slučaju da notar odsustvuje iz kancelarije duže od pet radnih dana, kao i u slučaju korišćenja godišnjeg odmora, notar je dužan da obavijesti Ministarstvo i Komoru o vremenu i razlozima odsustva, kao i o zamjeniku notara ili o notaru kojeg je odredio da obavlja poslove u njegovo ime.

Član 16

U hitnim slučajevima, odnosno u slučaju neodložne potrebe, notar može obavljati službenu radnju i izvan utvrđenog radnog vremena, neradnim danom i praznikom, u kancelariji ili van kancelarije notara, ali samo dok ta potreba traje i na zahtjev stranke koji mora biti opravdan.

Zahtjev stranke smatra se opravdanim kad je zaključenje pravnog posla neophodno radi zaštite prava i interesa tog lica i kad:

- zbog starosti, bolesti ili invaliditeta stranka ne može da dođe u kancelariju notara ni uz pomoć drugih lica;
- to zahtijeva lice koje se nalazi na liječenju u bolnici ili u drugoj ustanovi za rehabilitaciju ili u ustanovi za zbrinjavanje i boravak starih lica;
- to zahtijeva lice koje se nalazi na izdržavanju kazne zatvora.

Član 16a

Notar je dužan da o obavljenoj službenoj radnji iz člana 16 ovog pravilnika sačini zapisnik, koji potpisuje stranka, i konstatuje da potpis stranke na ovom zapisniku zamjenjuje njen potpis u upisniku o notarskim zapisima i zapisnicima "UZZ" ili u upisniku o notarskim ovjerama i potvrdama "OVP".

Zapisnik iz stava 1 ovog člana je sastavni dio notarskog zapisa ili notarske ovjere i prilaže se uz zapis ili notarsku ovjeru, a u upisniku o notarskim zapisima i zapisnicima "UZZ" ili upisniku o notarskim ovjerama i potvrdama "OVP" u rubrici "Napomena" upisuje se broj službene radnje sa napomenom da je službena radnja obavljena na način iz člana 16 stav 1 ovog pravilnika.

Član 17

U slučaju odsustva u toku radnog vremena, notar na ulazu svoje kancelarije ističe obavještenje, koje sadrži vrijeme odsustva sa terminom povratka.

U slučaju duže spriječenosti za vršenje službe, zbog bolesti ili drugih opravdanih razloga, notar ističe obavještenje na ulazu svoje kancelarije o licu koje će umjesto njega vršiti notarsku službu.

4. Uvid u rad notarske službe

Član 18

U okviru nadzora nad obavljanjem notarske službe iz člana 124 Zakona, Ministarstvo vrši uvid u odnosu na:

- 1) organizovanje notarske službe;
- 2) vođenje notarskih knjiga;
- 3) postupanje po depozitima;
- 4) primjenu notarske tarife;
- 5) vođenje propisanih evidencija i
- 6) poslove vezane za unutrašnje poslovanje kancelarije notara.

Ministarstvo vrši poslove iz stava 1 ovog člana, jedanput godišnje, a po potrebi i više puta.

III NOTARSKI AKTI

1. Sastavljanje notarskog akta

Član 19

Notarski akt sastavlja notar elektronskim ili mehaničkim uređajem za pisanje teksta na papiru formata A4 takvog kvaliteta koji garantuje trajnost notarskog akta.

Tekst notarskog akta ispisuje se jednostrano.

Svi brojevi koji se odnose na novčane iznose, datume i druge važne brojučane oznake u notarskom aktu, moraju biti ispisani i slovima, osim brojučane oznake jedinstvenog matičnog broja stranke, brojučane oznake lista nepokretnosti i posjedovnog lista, katastarske oznake parcele i objekta, službenog lista u kome je objavljen propis, kao i pojedinih odredaba zakona i drugog propisa na kojima se akt zasniva.

Za otpravak i prepis notarskog akta može se upotrijebiti i aparat za fotokopiranje, koji se nalazi u kancelariji notara.

2. Označavanje notarskog akta

Član 20

Notarski akt označava se na način što se u gornjem lijevom uglu akta upisuje naziv "Crna Gora", ime i prezime, sjedište i adresa notara, a u gornjem desnom uglu oznaka i broj notarskog akta iz odgovarajuće notarske knjige i broj kalendarske godine.

3. Označavanje i povezivanje notarskog akta od više stranica

Član 21

Ako se notarski akt sastoji od više stranica, prva stranica se označava kao notarski akt iz člana 20 ovog pravilnika, a svaka naredna stranica se označava brojem iz odgovarajućeg upisnika i rednim brojem stranice.

Sve stranice označene u skladu sa stavom 1 ovog člana, prošivaju se jemstvenikom, tako da se oba kraja jemstvenika na poleđini zadnje stranice pričvršćuju pečatnim voskom ili ljepljivom trakom, i ovjeravaju pečatom notara.

Postupak iz stava 2 ovog člana odnosi se i na punomoćja i druge priloge koji se prilažu uz notarski akt.

Ukoliko se punomoćje i drugi prilozi ne mogu spojiti sa notarskim aktom, na kraju će se popisati svi prilozi sa brojem i oznakom, sadržinom i datumom izdavanja.

Nakon uredno izvršenog označavanja i povezivanja notarskog akta sa više stranica u smislu stava 4 ovog člana, notar može potpisati notarski akt.

Na svakoj stranici notarskog akta, na vidnom dijelu ispod teksta, stavlja se paraf notara i stranke.

Punomoćja i drugi prilozi čuvaju se u oмотu spisa kao sastavni dio notarskog akta.

4. Notarske ovjere

Član 22

Ovjera prepisa isprave, svojeručnog potpisa stranke, odnosno zakonskog zastupnika, staratelja ili punomoćnika, izvoda iz poslovnih knjiga, prevoda i potpisa zastupnika pravnog lica vrši se klauzulom o ovjeri. Ovjera se vrši nakon što se u upisniku o notarskim ovjerama i potvrdama izvrše svi upisi i potrebni potpisi.

Ovjera iz stava 1 ovog člana vrši se pod uslovima iz čl. 62 do 66 Zakona.

Član 22a

Ovjera prepisa isprave ili spisa koji se, u skladu sa zakonom moraju priložiti notarskom aktu (ovlašćenja, punomoćja, nalazi i mišljenja vještaka i drugi spisi koji su korišćeni prilikom sastavljanja notarskog akta), ovjeravaju se klauzulom o ovjeri prepisa i označavaju brojem notarskog zapisa iz upisnika o notarskim zapisima i zapisnicima "UZZ" uz koji se prilažu ili klauzulom o ovjeri prepisa i označavanjem broja iz upisnika o notarskim ovjerama i potvrdama "OVP" uz naznaku u upisniku o notarskim ovjerama i potvrdama "OVP" da se radi o ovjerama koje se ne naplaćuju, iz razloga što su izvršene radi sastavljanja i ovjere notarskog zapisa (Obrazac br. 1a).

Član 23

Klauzula o ovjeri potpisa na ispravi koja ima jednu stranicu, stavlja se ispod potpisa koji se ovjerava, a ukoliko to nije moguće, klauzula se stavlja na poleđini stranice na kojoj je potpis koji se ovjerava.

Klauzula o ovjeri prepisa koji ima jednu stranicu stavlja se ispod teksta koji se ovjerava, a ukoliko to nije moguće, klauzula se stavlja na poledini stranice prepisa koji se ovjerava.

Klauzula o ovjeri potpisa na ispravama i klauzula o ovjeri prepisa koji se sastoje od više neuvezanih ili uvezanih listova stavlja se na poseban list koji se sa ispravom spaja jemstvenikom na način iz člana 21 stav 2 ovog pravilnika.

Klauzula o ovjeri stavlja se uređajem za pisanje (računarom, pisaćom mašinom ili drugim sličnim sredstvom) ili štambiljem za ovjere potpisa i štambiljem za ovjere prepisa koje obezbjeđuje notar.

5. Otpravak izvornika

Član 24

Notar je obavezan da izda strankama otpravak izvornika, odnosno prepis notarskog akta.

Za izradu otpravka, odnosno prepisa notarskog akta, primjenjuju se odredbe ovog pravilnika koje se primjenjuju za izdavanje i ovjeravanje notarskih akata.

Na zahtjev stranke kojoj se izdaje otpravak izvornika, notar može izdati otpravak bez priloga koji su korišćeni za sačinjavanje notarskog akta.

6. Dostavljanje otpravka izvornika po službenoj dužnosti i ispravljanje grešaka

Član 24a

Otpravak izvornika notar dostavlja organima uprave nadležnim za poslove poreza, poslove nekretnina i poslove sprječavanja pranja novca preko dostavne knjige za mjesto, preporučenom poštom ili uz zabilježbu o prijemu otpravka koju potpisuje ovlašćeno lice tog organa.

Ako notarski akt sadrži pravni posao akcesorne prirode, uz notarski akt dostavlja se i prepis izvorne isprave o osnovnom poslu (ugovor o kreditu, bankarske garancije i sl.) na osnovu koga je notarski akt sastavljen.

Izuzetno, ukoliko notar smatra da je zbog pravne sigurnosti i značaja pravnog posla neophodno da otpravak izvornika sadrži i druge priloge (nalaz i mišljenje vještaka, saglasnost povjerioca i sl.) takav otpravak će dostaviti organima iz stava 1 ovog člana.

Član 24b

Primjerak ugovora o zakupu koji je ovjerio ili na kojem je ovjerio potpise ugovornih strana notar dostavlja organu uprave nadležnom za poslove poreza najmanje jednom mjesečno.

Član 24c

Stranke mogu, davanjem izjave koja se unosi u notarski akt, ovlastiti notara da u bilo kom trenutku, bez učešća stranaka može ispraviti greške u imenima i brojevima, kao i druge očigledne greške u pisanju i računanju, nedostatke u obliku i nesaglasnost otpravka notarskog zapisa sa izvornikom, nakon izdavanja otpravka izvornika.

O ispravci iz stava 1 ovog člana notar sačinjava službenu zabilješku koju dostavlja strankama i organima iz člana 24a stav 1 ovog pravilnika.

Ako između izvornika i otpravka notarskog zapisa postoji nesaglasnost u pogledu nekog dijela sadržanog u zapisu, strankama se dostavlja ispravljeni otpravak sa naznakom da se tim otpavkom zamjenjuje raniji otpravak.

IV SADRŽINA, NAČIN VOĐENJA I OVJERAVANJA KNJIGA

1. Sadržina knjiga

Član 25

U skladu sa članom 75 Zakona, notar vodi sljedeće knjige:

- 1) upisnik o notarskim zapisima i zapisnicima "UZZ";
- 2) upisnik o notarskim ovjerama i potvrdama "OVP";
- 3) protestni registar "PR";
- 4) imenik lica čiji se testament nalazi kod notara "IT";
- 5) depozitnu knjigu o predmetima primljenim u depozit "DK"i
- 6) upisnik radnji koje je sud povjerio notaru "URP".

1) Upisnik o notarskim zapisima i zapisnicima "UZZ"

Član 26

U upisnik o notarskim zapisima i zapisnicima upisuju se svi akti koje je sastavio notar: zapisi, zapisnici i potvrde, kao i sve druge notarske radnje izvršene u skladu sa odredbama zakona, osim onih koje se upisuju u posebne upisnike.

Upisnik o notarskim zapisima i zapisnicima sadrži rubrike za upis sljedećih podataka: redni broj, datum upisa, lično ime, jedinstveni matični broj odnosno broj lične karte, zanimanje, adresu fizičkog lica, odnosno naziv i sjedište pravnog lica, kratak opis ugovora ili drugog pravnog posla, odnosno preduzete službene radnje,

oznaku vrijednosti, oznaku za kretanje spisa, potpis stranaka i napomenu (Obrazac br. 2).

2) Upisnik o notarskim ovjerama i potvrdama "OVP"

Član 27

Upisnik o notarskim ovjerama i potvrdama vodi se za ovjeru prepisa, potpisa, izvoda i prevoda koje vrši notar, u skladu sa posebnim propisom.

Upisnik o notarskim ovjerama i potvrdama sadrži rubrike za upis sljedećih podataka: redni broj ovjere ili potvrde, lično ime, jedinstveni matični broj, zanimanje, adresu stranke i njen potpis, vrstu preduzete službene radnje uz oznaku isprave koja se ovjerava, datum ovjere ili izdavanja potvrde, šifru vrste ovjere, izdate potvrde ili predočene isprave sa podacima o toj ispravi (vrsta, broj, datum isprave, izdavalac isprave, jezik na kojem je sastavljena, vrsta izvoda iz poslovnih knjiga i sl.), način utvrđivanja identiteta stranke ili svjedoka (Obrazac br. 3).

3) Protestni registar "PR"

Član 28

Vođenje protestnog registra vrši se u skladu sa posebnim propisom.

4) Imenik lica čiji se testament nalazi kod notara "IT"

Član 29

U imenik lica čiji se testament nalazi kod notara upisuju se podaci o licima koja su pred notarom sačinila testament ili su ga predala notaru na čuvanje.

U imenik iz stava 1 ovog člana upisuju se sljedeći podaci: redni broj, datum sačinjavanja odnosno predaje testamenta, lično ime, jedinstveni matični broj, odnosno broj lične karte, adresa lica koje je sačinilo odnosno predalo testament i napomena (Obrazac br. 4).

5) Depozitna knjiga o predmetima primljenim u depozit "DK"

Član 30

U depozitnu knjigu o predmetima preuzetim u depozit upisuju se podaci vezani za isprave, novac, hartije od vrijednosti i druge stvari, koje je notar preuzeo na čuvanje.

Depozitna knjiga iz stava 1 ovog člana, sadrži rubrike za upis sljedećih podataka: redni broj, datum upisa odnosno prijema depozita, lično ime, jedinstveni matični broj odnosno broj lične karte i adresa fizičkog lica odnosno naziv i sjedište pravnog lica, koje je predalo depozit, način utvrđivanja identiteta, tačna oznaka primljenog depozita, radnja koju treba izvršiti, lično ime, jedinstveni matični broj i adresa stranke kojoj treba predati depozit, potvrda o prijemu depozita i napomena (Obrazac br. 5).

Novčani iznosi koji se upisuju u depozitnu knjigu iz stava 1 ovog člana moraju se sabrati na kraju stranice. Zbir sa jedne stranice se prenosi automatski na sljedeću stranicu.

Vrijednosni papiri se upisuju prema vrsti, nominalnoj vrijednosti, broju komada, serijama i brojevima ili, ako su drugačije označeni, prema toj oznaci.

Depozitna knjiga o predmetima primljenim u depozit se na kraju kalendarske godine zaključuje potpisom notara, uz navođenje mjesta i datuma. Redni brojevi svih depozita koji se nalaze kod notara u momentu zaključenja knjige, prenose se u depozitnu knjigu za sljedeću godinu.

6) Upisnik radnji koje je sud povjerio notaru "URP"

Član 31

U upisnik radnji koje je sud povjerio notaru upisuju se sljedeći podaci: redni broj, datum prijema akta, naziv suda sa naznakom broja sudskog akta, lično ime i adresa fizičkog lica, odnosno naziv i sjedište pravnog lica, kratak opis povjerenog posla i napomena (Obrazac br. 6).

Član 32

Knjige iz čl. 26 do 31 ovog pravilnika sastoje se od potrebnog broja tabaka koji su povezani sa tvrdim koricama. Na prednjoj spoljnoj strani korice upisuje se naziv knjige i godina za koju se knjiga vodi.

2. Ovjeravanje i način vođenja knjiga

Član 33

Svaku knjigu ovjerava predsjednik Komore. Ovjera se vrši na gornjem dijelu posljednje stranice knjige, štambiljem za ovjeru knjiga (Obrazac br. 7).

Vjerodostojnost ovjere iz stava 1 ovog člana potvrđuje predsjednik Komore svojim potpisom i žigom Komore otisnutim u vosku, preko završnih rubova jemstvenika.

U ovjeri iz stava 1 ovog člana, naznačava se ukupan broj stranica knjige, datum ovjere i predaje knjige notaru.

Podaci o ovjerenim knjigama, upisuju se u posebne upisnike koje vodi Komora. Za svaku vrstu ovjerene knjige vodi se poseban upisnik (Obrazac br. 8).

Član 34

Upisivanje u knjige vrši se hemijskom olovkom.

Privremene zabilješke upisuju se običnom olovkom i brišu kada postanu bespredmetne.

Član 35

Zavođenje pismena u knjige vrši se hronološkim redom.

Upisi se ne mogu brisati.

Ako je neko pismeno pogrešno zavedeno, precrtava se crvenom olovkom, a u rubrici za napomene stavlja se oznaka "pogrešan upis".

Predmet koji se zavodi iza pogrešno zavedenog predmeta dobija sljedeći redni broj.

Ostali pogrešni upisi u knjigama popravljaju se unošenjem tačnog upisa, s tim što se preko pogrešnog teksta povlači tanka vodoravna crta, tako da precrtani tekst ostane čitak.

Član 36

Notar ne može upotrijebiti drugu knjigu prije nego što ispuni postojeću.

Novu knjigu notar može zatražiti kada ocijeni da će se, prema redovnom toku stvari, postojeća knjiga ispuniti u toku sljedećih mjesec dana.

Na početku svake stranice knjige mora biti označena kalendarska godina.

Upisi u novoj kalendarskoj godini započinju se uvijek na novoj stranici.

Član 37

Zaključivanje knjiga za tekuću kalendarsku godinu, vrši se na način što notar podvlači crvenom olovkom crtu ispod posljednjeg upisa i unosi sljedeće podatke: dan, mjesec i godinu zaključenja, redni broj posljednjeg upisa i broj pogrešnih upisa za tu godinu, brojem i slovima, a ispod datum, potpis notara i pečat.

Član 38

Kad ispuni imenik lica čiji se testament nalazi kod notara, notar zaključuje imenik stavljanjem datuma, potpisa i pečata na zadnjoj strani imenika.

Član 39

Sve stranke koje su pred notarom dale neku izjavu volje ili su tražile preduzimanje neke druge službene radnje upisuju se u zajednički abecedni imenik.

U zajednički abecedni imenik upisuju se sljedeći podaci: redni broj, lično ime fizičkog lica, odnosno naziv i sjedište pravnog lica, oznaka i broj knjige u kojoj je predmet upisan i napomena (Obrazac br. 9).

Upis u imenik iz stava 2 ovog člana vrši se u prvi sljedeći slobodni red slova koji odgovara početnom slovu prezimena fizičkog lica, odnosno naziva pravnog lica.

Imenik se smatra ispunjenim kad se ispune sve stranice bilo kojeg slova.

Zajednički abecedni imenik zaključuje se na način što notar podvlači crvenom olovkom crtu ispod posljednjeg upisa za svako slovo u imeniku.

Član 40

Uz svaku knjigu iz člana 25 ovog pravilnika može se voditi imenik.

Stranice imenika obilježavaju se rednim brojevima za svako slovo posebno.

Notar ovjerava svaki imenik stavljanjem datuma početka korišćenja imenika, potpisa i pečata na posljednjoj stranici imenika.

Član 41

Da bi se obezbijedilo pravilno i uredno vođenje knjiga i drugih evidencija, notar je dužan da tromjesečno pregleda knjige.

Svaki pregled zabilježice se u rubrici "napomena" kod posljednjeg upisanog predmeta. Prilikom pregleda iz stava 1 ovog člana, notar licima zaposlenim u kancelariji notara, nalaže ispravljanje zapaženih nedostataka i daje potrebna uputstva za rad.

V PREUZIMANJE ISPRAVA, NOVCA, HARTIJA OD VRIJEDNOSTI I DRUGIH PREDMETA NA ČUVANJE

1. Kartoteka depozita

Član 42

Preuzimanje isprava, novca, hartija od vrijednosti i drugih stvari, od strane notara radi čuvanja i predaje, vrši se u skladu sa odredbama čl. 67 do 71 Zakona.

Za svaku ispravu, novčani iznos, hartiju od vrijednosti i stvar koja je predata, odnosno povjerena notaru i koju je notar preuzeo na čuvanje, otvara se vlastita kartica (kartica za kartoteku depozita).

U kartici iz stava 2 ovog člana, za svaki pojedini depozit, unosi se redni broj, lično ime fizičkog lica, odnosno naziv i sjedište pravnog lica koje je stvar predalo, datum preuzimanja na čuvanje, nominalna vrijednost novca, a kod vrijednosnih papira navodi se nominalna odnosno procijenjena vrijednost, primalac ili nalagodavac, sve isplate iz tog depozita sa datumom, potpis stranke, broj iz depozitne knjige o predmetima primljenim u depozitu i zajedničkog abecednog imenika i posebni račun.

Svaka kartica za kartoteku depozita numerise se tekućim brojem za jednu godinu.

Kartoteka depozita se arhivira kao spis (Obrazac br. 10).

2. Preuzimanje isprava

Član 43

Preuzimanje isprava na čuvanje vrši se na način što se navodi njihovo svojstvo, izdavalac, datum i mjesto izdavanja i drugi podaci.

Isprave se evidentiraju po komadima bez označavanja vrijednosti.

Član 44

Štedne i uložne knjižice popisuju se tako što se navodi naziv izdavaoca knjižice, ime vlasnika i korisnika knjižice, broj knjižice, iznos salda na koji knjižica glasi i ako postoji posebni znak knjižice.

Vrijednost štedne ili uložne knjižice, izdate od banke ili druge finansijske organizacije (u daljem tekstu: banka), navešće se prema saldu koji knjižica pokazuje u nominalnom iznosu.

Ako je štednu ili uložnu knjižicu izdalo strano pravno lice i ne može se utvrditi njena prava vrijednost, navodi se njena nominalna vrijednost u stranoj valuti.

3. Preuzimanje novca

Član 45

Notar, po pravilu, gotov novac preuzima preko banke ili pošte.

Notar, ne smije preuzimati gotov novac neposredno od stranke, već stranku upućuje da izvrši uplatu novca na poseban račun predviđen za prijem depozita (notarski račun za stranke).

Izuzetno od stava 2 ovog člana, u opravdanim slučajevima, notar može gotov novac preuzimati i neposredno od stranke, pri čemu je obavezan da izda potvrdu o prijemu novca. Prezeti novac notar, bez odlaganja, uplaćuje na notarski račun za stranke.

Član 46

Za preuzimanje i čuvanje strane valute notar je dužan da ima notarski devizni račun za stranke.

U popisu depozita se navodi naziv države u kojoj primljena valuta vrijedi kao zakonsko sredstvo plaćanja, broj novčanica i njihova nominalna vrijednost, naziv izdavaoca, serija, broj i drugi podaci.

Član 47

Notar otvara najmanje jedan notarski račun za stranke, kod banke koja je u njegovom službenom području.

Za svaki iznos novca uzet na čuvanje, koji se odnosi na neki poseban pravni posao i na posebnu stranku, otvara se poseban račun.

Novac koji se preda notaru na čuvanje mora biti uplaćen isključivo na računu za stranke i ne smije, čak ni privremeno, biti uplaćen na lični račun notara.

Novcem koji se nalazi na računu za stranke može raspolagati samo notar.

Notar može otvoriti kod banke poseban sef za stranke.

Odredbe ovog člana koje se odnose na račun za stranke primjenjuju se i na sef za stranke.

Član 48

Notar je dužan da vodi listu banaka kod kojih je otvorio račune ili sefove za stranke i listu računa za stranke.

U listu računa za stranke upisuju se sljedeći podaci: naziv banke, broj računa, odnosno sefa, broj predmeta iz depozitne knjige o predmetima primljenim u depozitu i vrijeme početka i završetka čuvanja (Obrazac br. 11).

4. Preuzimanje hartija od vrijednosti

Član 49

Hartije od vrijednosti se popisuju tako što se navodi država u kojoj je hartija od vrijednosti izdata, naziv izdavaoca, serija i broj hartije od vrijednosti, iznos na koji glasi, kuponi vezani za hartiju od vrijednosti i datum dospelosti ili realizacije prvog kupona.

Ako je hartija od vrijednosti izdata u Crnoj Gori njena vrijednost se označava u nominalnom iznosu. Ako se prilikom unovčavanja kupona, pored kamata isplaćuje i dio glavnice, kao vrijednost, označiće se smanjena vrijednost hartije od vrijednosti.

Ako se za hartije od vrijednosti izdate u inostranstvu ne može odmah utvrditi vrijednost u domaćoj valuti, navešće se njena nominalna vrijednost.

5. Preuzimanje dragocjenosti

Član 50

Preuzete dragocjenosti popisuje notar ili lice zaposleno u notarskoj kancelariji, ovlašćeno za preuzimanje te radnje.

Preuzete dragocjenosti se popisuju po vrsti, kakvoći, količini, težini, obliku i drugim specifičnim osobinama, kako bi se isključila svaka mogućnost zamjene dragocjenosti.

Ako se, iz bilo kojeg razloga ne može izvršiti popis, u smislu stava 2 ovog člana, odrediće se sudski vještak koji utvrđuje o kakvim se dragocjenostima radi.

Dragocjenosti se procjenjuju prema prometnoj vrijednosti na dan prijema kod notara.

Dragocjenosti koje se odnose na isti depozit stavljaju se u isti omot.

Član 51

Zapisnik o popisu i procjeni dragocjenosti sastavlja se u dva primjerka, od kojih se izvornik stavlja u omot sa popisanim dragocjenostima, a kopija u odgovarajući spis predmeta. Na omotu se označava broj depozita pod kojim su dragocjenosti preuzete, oznaka predmeta i upozorenje da se primjerak zapisnika nalazi u omotu, pravna stvar na koju se odnosi, kraća specifikacija sadržaja omota, lično ime, jedinstveni matični broj i adresa fizičkog lica, odnosno sjedište pravnog lica.

Nakon zatvaranja omota, notar se potpisuje na omotu pored mjesta gdje je stavljen pečat.

Preuzete dragocjenosti se upisuju u depozitnu knjigu o predmetima primljenim u depozit.

VI NOTARSKI ŠTAMBILJI

Član 52

Za pojedine radnje, u skladu sa Zakonom, notar upotrebljava odgovarajuće štambilje (Obrazac br. 12).

Štambiljima se zadužuje i rukuje notar ili službenik koga on odredi.

O štambiljima iz stava 1 ovog člana vodi se evidencija koja se svrnjuje najmanje jedanput godišnje.

Štambilji se čuvaju pod ključem.

Član 53

Štambilji iz člana 52 ovog pravilnika su:

- 1) potvrda izvršnosti notarskog akta;
- 2) potvrda da je isprava podnijeta na uvid;
- 3) potvrda da je lice u životu;
- 4) potvrda o ovlašćenju za zastupanje i drugim činjenicama iz registra;
- 5) ovjera prepisa;
- 6) ovjera potpisa;
- 7) ovjera izvoda iz poslovnih knjiga;
- 8) ovjera prevoda;
- 9) zabilješka o izdavanju otpravka;
- 10) zabilješka o vraćanju otpravka;
- 11) zabilješka o ovjeri otpravka i
- 12) obračun predujma.

Član 54

Tekst štambilja iz člana 53 ovog pravilnika može biti odštampan kao obrazac ili otkucan na pismenu.

Za svoje potrebe i za potrebe stranaka, notar umnožava obrasce štambilja za pojedine radnje i poslove koji se često ponavljaju.

Za pojedine kratke i česte zabilješke, potpise, oznake, uputstva za rad i slična postupanja u poslovanju, notar upotrebljava i odgovarajuće štambilje koje odredi Komora, ako se njihovom upotrebom olakšava i pojednostavljuje poslovanje.

Član 55

Na prepise, otpравke akta, dopise, službene potvrde i druga pismena koja se dostavljaju strankama, sudovima, drugim organima i organizacijama, stavlja se otisak pečata notara.

VII ARHIVA NOTARA

1. Arhiviranje spisa

Član 56

Kad se službena radnja za koju je formiran spis u potpunosti završi, taj spis se arhivira.

Notar, prije arhiviranja spisa provjerava da li je predmet u potpunosti završen, da li se u spisu nalazi izvornik i sva potrebna pismena, kao i troškovnik.

Na omotu spisa notar stavlja pečat, oznaku predmeta i broj, datum arhiviranja, oznaku da je predmet za arhiviranje, rok čuvanja spisa i potpis (Obrazac br. 13).

Član 57

Završeni predmeti sređuju se u arhivi po vrsti notarskog akta i po rednim brojevima spisa pojedinih knjiga, u posebne fascikle. Na prednjoj spoljnoj strani fascikle, stavlja se skraćena oznaka predmeta i oznaka godine, kao i redni brojevi predmeta koji su složeni u toj fascikli.

Na polici sa fasciklama postavlja se jedan ili više uočljivih natpisa o tome šta je na njoj složeno.

Član 58

Arhiviranje spisa vrši se tako što se iz spisa izdvoji izvornik akta, odnosno prepis isprave ili spis koji se po zakonu mora priložiti notarskom aktu, ovlaštenja, punomoćja, nalazi i mišljenja vještaka i drugi spisi koji su nastali prilikom sastavljanja notarskog akta.

Izvornici, otpravci i ovjereni prepisi moraju biti označeni oznakom i brojem odgovarajuće knjige.

Sva ostala pismena i prilozi iz spisa, kao što su pismena prepiska sa strankama, nadležnim organima vlasti ili sudovima ostaju hronološki poređani u omotu spisa i čine sporedni spis.

Sporedni spisi se arhiviraju na način koji obezbjeđuje da ne dođe do gubitka sadržaja.

U arhivi se čuvaju sve knjige koje nijesu potrebne za tekući rad.

Notar je dužan da čuva prepise isprava koje je ovjerio, kao i prepise isprava na kojima je ovjerio potpis stranke.

Arhiviranje ovjerenih prepisa i potpisa vrši se tako što se na svakom prepisu odnosno potpisu u gornjem desnom uglu upiše broj pod kojim je ovjera izvršena u upisniku o notarskim ovjerama i potvrđama "OVP" i datum ovjere.

2. Izdavanje notarskog akta iz arhive notara

Član 59

Arhivirani notarski akt se, po pravilu, ne može izdavati zainteresovanim licima.

Notar može izdati izvornik za upotrebu u inostranstvu, pod uslovima utvrđenim Zakonom.

U slučaju iz stava 2 ovog člana sačinjava se službena zabilješka o izdavanju izvornika.

Iz zabilješke o izdavanju izvornika mora se vidjeti da se radi o izvorniku, razlog zbog kojeg se on izdaje, kome se izdaje, kao i da su se, za slučaj upotrebe u inostranstvu, s tim saglasila sva lica koja bi inače mogla tražiti izdavanje otpravka tog akta.

3. Notarski akti kojima se vrše izmjene ili dopune ranijih isprava

Član 60

Na notarskim aktima kojima se ranije isprave ispravljaju, dopunjavaju ili stavljaju van snage, potrebno je, ispod broja te isprave, navesti i broj ranije isprave, a na ranijoj ispravi se, ispod njenog broja, dodatno upisuju brojevi svih kasnijih isprava.

Notar sa prvobitnom ispravom čuva sve kasnije isprave kojima se ova isprava ispravlja, mijenja, dopunjava ili stavlja van snage i na odgovarajućem mjestu u spisu otvara list za bilješke koji upućuje na to gdje se isprava nalazi.

Isprave i pismena koja se čuvaju, popisana hronološkim redom, mogu se nalijepiti na glavnu ispravu ili jemstvenikom prošiti s njom.

4. Zamjena izvornika

Član 61

Ako je izvornik nekog notarskog akta djelimično ili potpuno uništen ili izgubljen ili ako postoji neki drugi razlog da se on zamijeni, notar može na postojećem otpravku ovog akta ili na ovjerenom prepisu otpravka izvornika, zabilježiti da otpravak izvornika ili njegov ovjereni prepis važi umjesto izvornika.

Zabilješku iz stava 1 ovog člana notar potpisuje, navodi mjesto i datum i ovjerava pečatom.

Kada je zabilješka urađena na posebnom listu, onda se taj list mora jemstvenikom prošiti sa otpravkom akta ili njegovim prepisom koji zamjenjuje izvornik.

5. Podaci o naplaćenim naknadama

Član 62

Sa notarskim aktom se obavezno čuva i prepis troškovnika, podaci o izdatim otpravcima, ovjerenim prepisima i podaci o licima kojima su izdati.

Troškovnik i podaci iz stava 1 ovog člana moraju se zalijepiti kao posljednja stranica ili spojiti jemstvenikom sa ispravom koja se čuva.

6. Evidencija izdatih spisa iz arhive

Član 63

Notar vodi posebnu evidenciju izdatih spisa iz arhive, u koju se upisuju svi spisi izdati iz arhive, sa oznakom spisa, naznakom datuma izdavanja, gdje se nalaze i, po mogućnosti, datum vraćanja u arhivu.

7. Osiguranje arhiviranih i sporednih spisa

Član 64

Notarski akti i sporedni spisi se arhiviraju u posebnim ormarima predviđenim za arhiviranje u kancelariji notara i to na način da su zaštićeni od krađe, provale, vlage, požara, prašine, gubljenja ili oštećenja iz bilo kojeg drugog razloga.

VIII NAČIN PREUZIMANJA DOKUMENTACIJE I PREDMETA OD STRANE KOMISIJE I PREDAJA NOVOIMENOVANOM NOTARU

Član 65

Dokumentacija i predmeti koje je, zbog prestanka vršenja poslova notara preuzeo sud na čijem području notar ima službeno sjedište, komisija iz člana 93 Zakona, zapisnički predaje novoimenovanom notaru.

Zapisnik iz stava 1 ovog člana sadrži: mjesto sastavljanja, mjesto gdje se dokumentacija i predmeti nalaze, vrijeme preuzimanja od strane komisije, vrijeme i predaja novoimenovanom notaru, prezime i ime novoimenovanog notara, ukupan broj posebnih fascikli u kojima su složeni notarski akti po vrstama, redne brojeve spisa pojedinih knjiga iz svake fascikle, stvari preuzete na čuvanje, knjige koje se nalaze u kancelariji notara ili u sudskoj arhivi, potpis novoimenovanog notara i potpise članova komisije.

Član 66

Obrasci br. 1 do 13 odštampani su uz ovaj pravilnik i čine njegov sastavni dio.

IX ZAVRŠNA ODREDBA

Član 67

Ovaj pravilnik stupa na snagu osmog dana od dana objavljivanja u "Službenom listu Crne Gore".

Štambilj notara

<p>CRNA GORA</p> <p>NOTAR</p> <hr style="width: 60%; margin: 10px auto;"/> <p>prezime i ime notara</p> <hr style="width: 60%; margin: 10px auto;"/> <p>sjedište</p>

Upisnik o notarskim zapisima i zapisnicima "UZZ"

Redni broj	Datum upisa	Lično ime, jedinstveni matični broj odnosno broj lične karte, zanimanje, adresa fizičkog lica odnosno naziv i sjedište pravnog lica	Kratak opis ugovora ili drugog pravnog posla odnosno preduzete službene radnje	Oznaka vrijednosti	Oznaka za kretanje spisa	Napomena
1	2	3	4	5	6	7

		odnosno naziv i sjedište pravnog lica koje je predalo depozit						
1	2	3	4	5	6	7	8	9

Obrazac br. 6

Upisnik radnji koje je sud povjerio notaru "URP"

Redni broj	Datum prijema akta	Naziv suda sa naznakom broja sudskog akta	Lično ime i adresa fizičkog lica, odnosno naziv i sjedište pravnog lica	Kratak opis povjerenog posla	Napomena
1	2	3	4	5	6

Obrazac br. 7

Štambilj za ovjeru knjiga

NOTARSKA KOMORA	
primila je od	

prezime, ime i adresa notara	
dana _____ 20__ godine ovaj-ovu	

naziv knjige	
i nakon pregleda izdaje	
P O T V R D U	
Potvrđuje se da je ovaj-ova	

naziv knjige	
ima _____	_____ , stranica, pa je dana _____ 20__ godine propisno
broj	slovima
ovjerena i dana _____ 20__ godine predata	

lično ime	
notaru iz _____	
mjesto	
Broj: _____	
U Podgorici, _____ 20__	

Obrazac br. 12 

NOTARSKI ŠTAMBILJI

1) - **brisan** -

2) Potvrda izvršnosti notarskog akta

<p>NOTAR</p> <hr/> <p>Prezime i ime</p> <hr/> <p>sjedište</p> <p>ODLUKA _____ JE IZVRŠNA,</p> <p>dana _____ 20____ godine</p> <p>Potpis notara</p> <hr/>
--

3) Potvrda da je isprava podnijeta na uvid

<p>Ja, NOTAR</p> <hr/> <p>Prezime, ime i sjedište</p> <p>potvrđujem da mi je prednja isprava predočena odnosno u mojoj prisutnosti predočena</p> <hr/> <p>—</p> <p>prezime, ime i adresa</p> <hr/> <p>dan, mjesec i godina</p> <p>Istovjetnost lica koje je ispravu predočilo utvrđena je na osnovu lične isprave</p>

— broj lične karte ili putne isprave i naziv organa koji je izdao

- svjedocima

— prezime, ime i adrese svjedoka

- lično poznat.

Naknada za rad notara za ovjeru po tarifnom broju ____ NT u iznosu od _____ €, naplaćena je.
Oslobođeno od plaćanja troškova, po tarifnom broju ____ NT.
Naknada za rad notara je obračunata u iznosu od _____ €, a troškovi _____ €.

Broj: _____

U: _____

NOTAR

4) Potvrda da je lice u životu

Ja NOTAR

Prezime, ime i sjedište

potvrđujem da je lice _____ u životu na dan _____.

Prezime i ime

Identitet lica _____ utvrdio sam na osnovu uvida u ličnu ispravu _____ koju mi je lice _____ lična karta ili putna isprava i naziv organa koji je izdao dalo na uvid.

Naknada za rad notara za ovjeru po tarifnom broju ____ NT u iznosu od _____ €, naplaćena je.
Oslobođeno od plaćanja troškova, po tarifnom broju ____ NT.
Naknada za rad notara je obračunata u iznosu od _____ €, a troškovi _____ €.

Broj: _____

U _____

NOTAR

5) Potvrda o ovlaštenju za zastupanje i drugim činjenicama iz registra

Ja NOTAR

Prezime, ime i sjedište

potvrđujem da je lice _____ ovlašćeno
za zastupanje

prezime i ime

_____, što sam utvrdio uvidom u
Registar Privrednog
suda u _____ dana _____.
mjesto

Potvrđujem da je pravno lice _____ sa
sjedištem u

_____ upisano u Registar Privrednog suda u
_____ što sam

utvrdio uvidom u Registar Privrednog suda _____ dana
_____.
mjesto

Naknada za rad notara za ovjeru po tarifnom broju _____ NT u
iznosu od
_____ €, naplaćena je.

Oslobođeno od plaćanja troškova po tarifnom broju _____ NT.
Naknada za rad notara je obračunata u iznosu od _____ €, a
troškovi _____ €.

Broj: _____

U _____

NOTAR

6) Ovjera prepisa

Ja, NOTAR

Prezime, ime i sjedište

potvrđujem da je ovo prepis izvorne isprave - ovjerenog prepisa - ličnog prepisa -

naziv isprave

Ispisan je rukopisom (olovkom, hemijskom olovkom, tintom) pisaćom mašinom, drugim mehaničkim

ili hemijskim sredstvom (fotokopiran i sl.) koji ima _____ listova. Izvorna se isprava po mom

znanju - tvrdnji stranke nalazi

donio ju je sa sobom

prezime, ime i adresa podnosioca

Naknada za rad notara za ovjeru po tarifnom broju _____ NT u iznosu od _____ € naplaćena je.

Oslobođeno od plaćanja troškova po tarifnom broju _____ NT.

Naknada za rad notara je obračunata u iznosu od _____ €, a troškovi _____ €

Broj: OV _____

U _____

NOTAR

7) Ovjera prepisa

Ja, NOTAR

Prezime, ime i sjedište

potvrđujem: da: mi: je: su: mi

prezime, ime, zanimanje i adresa

u mojoj prisutnosti svojeručno potpisao pismeno - stavio svoj otisak prsta na njega - priznao potpis - otisak prsta na pismenu kao svoj.

Istovjetnost podnosioca isprave utvrdio sam: na osnovu lične karte ili putne isprave.

broj lične karte ili putne isprave i naziv organa koji ju je izdao

- svjedocima

prezime i ime svjedoka

brojevi njihovih ličnih karata ili putnih isprava i naziv organa koji ih je izdao

- lično poznat
Potpis na pismenu je istinit.
Naknada za rad notara za ovjeru po tarifnom broju _____ NT u iznosu od _____ €
naplaćena je.
Oslobođeno od plaćanja troškova po tarifnom broju _____ NT.
Naknada za rad notara je obračunata u iznosu od _____ €, a troškovi _____ €

Broj: OV _____
U _____

NOTAR

8) Ovjera izvoda iz poslovnih knjiga

Ja, NOTAR

Prezime, ime i sjedište

potvrđujem da je ovo izvod iz poslovne knjige

Vrsta knjige i čija je

Ovaj izvod upoređen je s odgovarajućim stavkama na stranici _____ izvorne knjige i slaže se s njima.

Poslovna knjiga pregledana je dana _____.

Naknada za rad notara za ovjeru po tarifnom broju _____ NT je obračunata u iznosu od _____ €
naplaćena je.
Oslobođeno od plaćanja troškova po tarifnom broju _____ NT.
Naknada za rad notara je obračunata u iznosu od _____ €, a troškovi _____ €.

Broj: OV _____
U _____

NOTAR

9) Ovjera prevoda

Ja, NOTAR

Prezime, ime i sjedište

potvrđujem da je ovaj prevod vjeran svom izvorniku sastavljenom na

_____.

Preveo

Prezime, ime i sjedište notara, ili prezime i ime sudskog tumača

Naknada za rad notara za ovjeru po tarifnom broju _____ NT u iznosu od _____ € naplaćena je.

Oslobođeno od plaćanja naknade za rad notara po tarifnom broju _____ NT.

Naknada za rad notara je obračunata u iznosu od _____ €, a troškovi _____ €.

Broj: OV _____

U _____

NOTAR

10) - brisan -

11) Zabilješka o izdavanju otpravka

Ja, NOTAR

Prezime, ime i sjedište

potvrđujem da sam ovaj otpravak uporedio sa izvornikom koji se nalazi u mojim

spisima i utvrdio da je doslovno podudaran s izvornikom.

Ovaj je _____ otpravak običan - ovjeren - potpun - u izvodu, kojem je priloženo _____ prepisa priloga notarskog akta.

Ovaj je otpravak sastavljen za

zbog

ako je ponovo izdat

Naknada za rad notara je naplaćena po tarifnom broju _____ NT u iznosu od _____ €.

Naknada troškova u vezi sa obavljanjem poslova notara je naplaćena po tarifnom broju _____ NT u iznosu od _____ €
Oslobođeno od plaćanja naknade za rad notara po tarifnom broju _____ NT.
Naknada za rad notara je obračunata u iznosu od _____ € a troškovi _____ €.

Broj: _____

U _____

NOTAR

12) Zabilješka o vraćanju otpravka

Ja, NOTAR

Prezime, ime i sjedište

potvrđujem da mi je-su mi

prezime, ime, zanimanje i adresa

u mojoj prisutnosti svojeručno potpisao pismeno - stavio svoj rukoznak na njega - priznao potpis - rukoznak na pismenu kao svoj.

Istovjetnost podnosioca isprave utvrdio sam:
na osnovu lične karte ili putne isprave.

broj lične karte ili isprave i naziv organa koji ju je izdalo
- svjedocima

prezime i ime svjedoka

brojevi njihovih LK ili putnih isprava

- lično poznat

Potpis - rukoznak na pismenu je istinit.

Naknada za rad notara je obračunata po tarifnom broju _____ NT u iznosu od _____ €

i naplaćena.

Oslobođeno od plaćanja naknade za rad notara po tarifnom broju _____ NT.

Naknada za rad notara je obračunata u iznosu od _____ € a troškovi _____ €.

Broj: _____

U _____

NOTAR

13) Zabilješka o ovjeri otpravka

Ja, NOTAR

Prezime, ime i sjedište

potvrđujem da sam ovaj otpравak uporedio sa izvornikom koji se nalazi u
u mojim spisima i utvrdio da je doslovno podudaran sa izvornikom.

Ovaj je _____ otpравak običan - ovjeren - potpun - u izvodu,
kojem je priloženo _____ prepisa priloga notarskog akta.
Ovaj je otpравak sastavljen za

prezime, ime i adresa

zbog _____

ako je ponovo izdat

Naknada za rad notara je obračunata po tarifnom broju _____ NT u iznosu
od _____ € i naplaćena.
Oslobođeno od plaćanja naknade za rad notara po tarifnom broju _____ NT.
Naknada za rad notara je obračunata u iznosu od _____ € a troškovi
_____ €.

Broj: OPU - _____
U _____

NOTAR

14) Obračun predujma

O B R A Č U N S K I L I S T
položenog predujma u predmetu

Datum	Prezime i ime lica koje je dalo predujam	Broj knjige	Primljeno eura	Izdato eura	Naređenje isplata na listu broj
1	2	3	4	5	6

--	--	--	--	--	--

+ **Vidi:**
čl. 15. Pravilnika - 36/2013-57.

Obrazac br. 13

Prednja spoljna stranica omota spisa

Pečat notara
Oznaka predmeta _____
Broj: _____
OMOT SPISA

Spis staviti u arhivu dana _____ 20____ godine.
Spis čuvati do _____ godine.
Potpis notara, _____

Prednja unutrašnja stranica omota spisa

Redni broj	Dan kada je pismeno primljeno ili sastavljeno kod notara	Sadržaj pismena - kratko	Broj priloga	Broj lista	Napomena
------------	--	--------------------------	--------------	------------	----------